



Broj: 01/04-05-4163/18  
Sarajevo, 18.07.2018.g.

## Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na vijećničku inicijativu upućenu na 17. sjednici Gradskog vijeća Grada Sarajeva (gradski vijećnik Almedin Miladin)

Veza: Vaš akt, broj: 01-GV-02-800-8/18 od 27.06.2018. g.

Poštovani,

Gradski vijećnik Almedin Miladin uputio je vijećničku inicijativu sljedećeg sadržaja:

„Svjedoci smo da su mesingane spomen ploče postavljene na lokalitetima u Općini Stari Grad, a slično je i u cijelom gradu, na kojima su istaknuta imena poginulih branitelja grada '92-'95 u lošem stanju jer se ne održavaju na uređen način.

Na pitanja upućena raznim institucijama, u traganju za nadležnim subjektom za održavanje ovih spomen obilježja, nije dobiven odgovor.

Potrebno je da Gradonačelnik razmotri mogućnost da se održavanje ovih spomen obilježja stavi u nadležnost Grada Sarajeva, a da poslove održavanja vrši JP "Sarajevo" d.o.o., te da Gradskom vijeću predloži eventualno rješenje.

U kontekstu održavanja ovih spomen obilježja, upućuje se inicijativa Gradonačelniku da poduzme potrebno u okviru nadležnosti Grada Sarajeva ili prema nadležnim organima da se zaštite, odnosno ponovo učine dostupnim "sarajevske ruže" (oštećenja od granata) koje su na određenim lokalitetima prekrivene novim asfaltnim pokrivačem ili popločane kao što je to, na primjer, ona u Dženetića čikmi.“

### Odgovor:

Shodno odredbama Odluke o spomenicima koji su od značaja za Grad Sarajevo („Službene novine Kantona Sarajevo“ broj:12/11 i 21/16) Grad Sarajevo je nadležan za čuvanje i održavanje spomenika čijem podizanju je prethodila Odluka Gradskog vijeća Grada Sarajeva.

Spomen ploče na kojima su istaknuta imena poginulih branitelja grada nisu podignute u skladu sa navedenom Odlukom te Grad Sarajevo ne može preuzeti obavezu njihovog održavanja.

Održavanje predmetnih spomen ploča je u isključivoj nadležnosti organa koji je izvršio njihovo postavljanje. U većini slučajeva, postavljanje mesinganih spomen ploča koje se nalaze u sklopu spomen obilježja a na kojima su istaknuta imena poginulih branitelja grada '92-'95. je izvršio nadležni organ općine na čijem području je postavljeno spomen obilježje.



„Sarajevske ruže“ su pod zaštitom Zavoda za zaštitu kulturno-historijskog i prirodnog naslijeđa Kantona Sarajevo, a njihovo održavanje i zaštita je povjereno Fondu za zaštitu šehida i poginulih boraca, memorijalnih centara i spomen-obilježja žrtava genocida - Fond memorijala. Fond Memorijala je do sada obnovio i zaštitio ukupno 19 „Sarajevskih ruža“, od čega je obnovu jedne (kod pijace Markale) finansirao Grad Sarajevo. Grad Sarajevo će i u narednom periodu, kada se za to ukaže potreba i u skladu sa raspoloživim finansijskim sredstvima, a u saradnji sa Fondom Memorijala, finansirati zaštitu ovih, za Grad Sarajevo, veoma značajnih spomen obilježja.

Gradonačelnik

mr. Abdulah Skaka s.r.

Dostaviti:

- Naslovu,
- a/a